


AWIG - AWIG

DESA PAKRAMAN BONA



DESA BONA
KECAMATAN BLAHBATUH
GIANYAR

P I D A G I N G
MAKA BANTANG AWIG - AWIG DESA PARRAMAN BONA
MURDHA - CITTA

WIDANG

PRATHAMA SARGAH	ARAN LAY WAWIDANGAN DESA	1
DWITYA SARGAH	PATITIS LAY PAMIKURUH	1
TRITYA SARGAH	SURERTA TATA PARRAMAN	2
	Paler 1 Indik Kruta	2
	Paler 2 Indik Pejura / Dalam Desa	4
	Paler 3 Indik Kalkul	6
	Paler 4 Indik Paruman	7
	Paler 5 Indik Derasen Desa	7
	Paler 6 Sakera Pamitegan	8
	Kaping 1 Karang, regal lan carik	8
	Kaping 2 Pepayonan	8
	Kaping 3 Wewangunan	9
	Kaping 4 Wewangunan	9
	Kaping 5 Bawa	9
	Kaping 6 Panyanggum Banjar	10
CATHEURTA SARGAH	SURERTA TATA AGAMA	
	Paler 1 Indik Dewa Talya	10
	Paler 2 Indik Bawa Talya	12
	Paler 3 Indik Para Talya	13
	Paler 4 Indik manusa Talya	13
	Paler 5 Indik Bawa Talya (Panyegan)	13
PANCANA SARGAH	SURERTA TATA PANCANAN	
	Paler 1 Indik Panyadran	16
	Paler 2 Indik Pejuran	17
	Paler 3 Indik Bantun	17
	Paler 4 Indik Maruan	18
SAT SARGAH	MICARALAN PAMIDANAN	
	Paler 1 Indik Pamidan	19
SAPTANA SARGAH	INGRAMAN INGRAMAN AWIG AWIG	20
ASTANA SARGAH	SANAPTA	20

MURDHA CITTA

AUM, OM

Om Awighnamastu Nama Siddam.

Om Swastyastu,

Malarapan panghyangning Ida Sang Hyang Widhi Wasa, asung kerta nugraha ngawenteneng kahuripan sakala niskala, ring Bhuwana Agung lan Bhuwana Alit. Manut dresta desane wantah pawakan pasayuban krama Desa rawuhing kula warga pawonganya. Desane kamanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwire :

ha. Parhyangan, sahananing kalyangan, panyiwian desa genah ngarcana Ida Hyang Parama Wisesa, maka jiwa desane.

na. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti.

ca. Palemahan, tanah kakuwuban desa, sinanggeh stula sariraning desane.

Adung patemon bhuwana kalih, larapan santa jagadhita, sinanggeh murdhaning prayojana pangriptaning Awig-awig Desa Pakraman ring sabha krama Desa Adat Bona

Pamutus sabha inucap pinaka sepat siku-siku pamatut, wastu prasida prayojanan mami kabeh prasama anghidep muwah amagehaken kadi linging Awig-awig iki.

PRATHAMA SARGAH

ARAN LAN WAWIDANGAN DESA

Pawos 1

- (1) Desa Adat puniki mawasta Desa Adat Bona
- (2) Jebar kakuwuban wawidangannya mawates nyatur :
 - ha. Sisih Wetan ring Desa Adat Tedung lan Bitera;
 - na. Sisih Kulon ring Desa Adat Belege lan Getas;
 - ca. Sisih Lor ring Desa Adat Celuk;
 - ra. Sisih Kidul ring Desa Adat Selat lan Pasdalem;
- (3) Desa puniki kawangun antuk karang ayahan Desa lan karang gunakaya kaepah dados 4 (petang) banjar luwure :
 - ha. Banjar Bona Kangin;
 - na. Banjar Bona Kelod;
 - ca. Banjar Bona Kaja;
 - ra. Banjar Pasedana;

DWITYA SARGAH

PATITIS LAN PAMIKUKUH

Pawos 2

Desa Adat Bona ngamanggehang pamikukuh minakadi :

ha. P a n c a s i l a ;

na. Undang-undang Dasar 1945 pamekas Pasal 18;

ca. Peswaran sang mawangrat nganinin indik Desa Pakraman;

ra. Tri Hita Karana manut sada cara Agama Hindu

Pawos 3

Luwir Patitis Desa Adat Bona :

- ha. ngukuhang miwah ngrajegang Sang Hyang Agama;
- na. Nginggilang tata prawertine maagama;
- ca. Ngrajegang kasukertan Desa saha Pawongannya sakala lawan niskala.

**TRITYA SARGAH
SUKERTA TATA PAKRAMAN**

**PALET 1
INDIK KRAMA**

Pawos 4

- (1) Sane kabawos Krama Desa utawi banjar inggih punika kulawarga sane maagama Hindu saha ngamong karang utawi tan pakarang sane jenek mapaumahan ring sawidangan Desa Adat Bona.
- (2) Sajaba punika sinanggeh tamiyu, sane kabinayang dados kalih inggih punika sane maagama Hindu, miwah siwosan ring maagama Hindu.
- (3) Indik Tamiyu punika manut pararem

Pawos 5

Papalihan Krama Desa utawi banjar ring Bona luwire :

- ha. Krama ngarep, kulawarga sane ngamong karang, utawi manut dresta;
- na. Krama nangkah/pangele kulawarga sane nenten ngamong karang nanging sampun mawiwaha, sane kantun masikian genah ring krama pangarep;
- ca. Krama Balu, krama sane katinggal seda olih lanang utawi istri nyane utawi sangkaning nyapihan. Krama balu inucap kabinayang dados :
 - 1). Balu makrambian, inggih punika balu sane maduwe sentana dereng marabian utawi dereng antes ngayah.
 - 2). Balu ngalisting, inggih punika balu sane tanpa sentana.
- ra. Krama-tapukan, krama sane nenten madrebe rerama lanang lan istri, tur dereng antes ngayah utawi dereng marabian;
- ka. Krama roban utawi kerob kundul inggih punika warga sane taruna teruni, wiadin krama alit-alit utawi krama tiyosan sane kakundul olih sinalih tunggil krama desa utawi banjar, utawi manut pararem;
- da. Krama sapalalen inggih punika krama lanang istri yaning sampun kasinanggeh manut sulur antes ngayah utawi sampun mayusa 17 (pitulas) warsa lintang.

Pawos 6

Ngawit dados Krama Desa utawi banjar inggih punika :

- ha. Sangkaning ngamong karang ayahan desa, tanah gunakaya utawi tanah negara;
- na. Mawiwit saking pawiwahan utawi sapalakan;
- ca. Metu saking manah lila, manut ilikita pastika.

Pawos 7

Panamaya tedun makrama Desa utawi banjar inggih punika :

- ha. Krama pangarep/peyeledihi nglantur pramangkin yaning krama inucap sampun merabian, utawi sapalaken;
- na. Krama nangkah utawi pangele mibanin ring rahina Radite, wuku Gungulan manut pararem.

Pawos 8

Tategenan krama Desa utawi Banjar luwire :

- ha. Krama pangarep ping kalih krama nangkah (pangele) patut ngamedalin padagingan (prabiya) lan ngalaksanayang ayahan mamungkul (lanang-istri). Saje ring sahananing swadarmaning krama mantuke ring pura Dalem Gede kenten taler ring Pura Dalem Pasedana pelaksanaan nyane kamargiang olih panangga soang-soang;
- na. Balu pangarep kakeninin padagingan pepek, nanging ayahan nyane manut kahanan balu inucap;
- ca. Balu pangele (nangkah) sane maduwe sentana, kenten taler sane lan maduwe sentana, kakenin tategenan manut pararem;
- ra. Krama tapukan pangarep, kakeninin padagingan pepek, nanging luput sakaluwiring ayah;
- ka. Krama tapuk pangele (nangkah) manut pararem;

Pawos 9

Swadharman krama, sewosan ring tategenan, inggih punika :

- ha. Tinut saturut ring sedaging Awig-awig, pararem lan paswasran krama Desa;
- na. Tan maren ngutsahayang mangda Desane mrasidhayang nyujur manut patitis;
- ca. Tinut saturut ring Guru Wisesa

Pawos 10

Swadharman Tamiyu, luwire :

- ha. Tinut saturut ring yasa kertin Desane ;
- na. Tan piwal ring sadaging Awig-awig, pararem lan paswaran Desa;
- ca. Nyadokang raga ring Prajuru arahina sesampun jumenek malarapan antuk ilikita pastika saking desane utawi sang ngawawenang;
- ra. Yan tan tinut pacang kairid (tan kadadosang jumenek ring Desa Bona)

Pawos 11

Pilih-olih Krama :

- ha. Polih pasayuban sakala niskala tur kabawosin saha katiwakin pamutus sahanan wicaranya;
- na. Nyarengin paruman tur wenang sareng mastikayang pamutus;
- ca. Kadadosang madeg Prajuru, manut pararem.

Pawos 12

Krama Desa Adat kadadosang :

- ha. Mapoangkid utawi tan tedun :
 - 1). Rikala mapawangun ngaraabin, mayadnya, nandur (mamulih), matepetin rare, sungkan, kaluasan, lan siosan punika manut apararem;
 - 2). Mapuankid saantukan pabuat silih sinunggil sakadi inucap ring angka (1) kengin tempo wantah apisan, sajawenin wenten wawakan saking prajuru.
- na. Nyada mapiteges ngamademang ayah, risampun mayusa 65 (nem dase lima) warsa, nanging tan medrebe penyeledi . utawi madrebe penyeledi durung antes ngayah , sang nyada sane tan medrebe penyeledi digelis nyantenan ring prajuru
- ca. Nyade, utawi nyuksukin, sane kawenangan inggih punika krama sane sampun manggeh deheteruna utawi mrasidayang nganutin krama, manut pararem
- ra. Merdo (Nutug Ayah) inggih punika ngentosin ayah-ayahan antuk arta brana seantukan kapialang, manut pararem

Pawos 13

Wusan dados mekrama Desa utawi banjar :

- ha. Sangkaning :
 - 1. Pinunas ngeraga, manut pararem;
 - 2. Kanorayang, duaning sampun tan prasida ngesehin solah maprawerti setata ngwug pemargin awig-awig
 - 3) Wusan makrama desa mapiteges taler wusan makrama banjar utawi wusan makrama banjar mapiteges wusan makrama desa, mangda sampunang kasinanggeh empak ngalanting,
 - 4) Tan kari maagama Hindu.
- na. Sang wusan makrama :
 - 1) Patut ngaturang karang ayahan ka Desa prade karang punika karang desa;
 - 2) Tan polih pah-pahan saking padruweyan Desa sajawanin pah-pahan padruwen ring tempek manut pararem;
 - 3) Tan polih pasayuban sajeronin ala ayu;
 - 4) Sang wusan makrama desa/Banjar prade mawali patut nawur saurah arih tategenan krama manut pararem;
 - 5) Sang wusan makrama tan pasadok ring prajuru Desa/Banjar patut keni pamidanda manut pararem.
- ca. Sang wusan sangkanin kanorayang, prade mawali malih patut :
 - 1) Muntasang saluwir pamidanda utawi tategenan sanc ngranayang kanorayang;
 - 2) Nunas geng pangampura ring paruman desa madurulan panyangaskara panyapsap kaiwangan dwaning nguwak pasubaya pecak.

PALET 2 PRAJURU LAN DULUN DESA (PANGLINGSIR)

Pawos 14

- (1) Desa Adat Bona kaentar olih bendesa Adat,
- (2) Banjar utawi tempekan kaenter olih klian Banjar/Tempek
- (3) Bendesa Adat lan Klian Banjar/Tempek patut :
 - ha. Mawiwit saking krama ngarep/wed utawi krama pangele/nagkah kajangkepin antuk:
 - 1) Uning ring aksara latin utawi Bali;
 - 2) Uning ring tata titining mawa desa;
 - 3) Uning ring pariindik Agama lan Adat;
 - 4) Lascarya ngayah, tur madruwe parilaksana sane rahayu.
 - na. Kaadegang malarapan antuk kacatri olih parumannya soang-soang nyabran 5 (limang) warsa, sajawaning wenten pariindik tios, tur dados kacatri malih;
 - ca. Maduluran Dewa saksi ring pawintenan ring silih sinunggil Pura Kahyangan Tiga Desa Adat Bona.

Pawos 15

- (1) Bendesa Adat lan Klian Banjar/Tempek kawantu utawi kasanggra olih :
 - ha. Patajuh utawi Pangliman pinaka wakilnya;
 - na. Panyarikan pinaka juru surat;
 - ca. Patengen utawi juru raksa pinaka pangamong druwen Desa/banjar;
 - ra. Kasinoman pinaka juru arah
- (2) Kasinoman akehnya manut kawigunan.
- (3) Sajeroning ngenterang kasukertan niskala, Bendesa mingsingghang ring Pamangku Kahyangan Desa utawi sang Rumaga Sulinggih.

Pawos 16

- (1) Swadharmaning Bendesa Adat luwire :
 - ha. Ngenterang pamargin sadaging Awig-awig miwah pararem Desa;
 - na. Nuntun tur ngenterang krama rawuhing warga Desa sami ngupadi manut patitis;
 - ca. Mawosin kalih niwakang pamutus arep ring wicara warga Desa;
 - ra. Maka dutta Desa matemuang bawos ring sapa sira ugi.
- (2) Swadharmaning Klian Banjar/tempek inggih punika :
Sajawaning wenten pariindik tiyos ring banjar/tempek, swadharmaning Klian Banjar/Tempek ngawantu utawi nyanggra swadharmaning Bendesa adat sane kalaksanayang ring Banjar/Tempeknnya soang-soang.
- (3) Prade Prajuru iwang palaksana keni pamidanda tur dados kakaryanang manut pararem.

Pawos 17

- Patias utawi olih-olihan Prajuru/Banjar, luwire :
- ha. Lupat papeson lan rerampe sajawaning wewangunan ngawit ;
 - na. Polih tanding tengah;
 - ca. Upon palaba carik;
 - ra. Patias sewosan manut pararem.

Pawos 18

- (1) Prajuru Desa/Banjar kagentosin riantukan :
 - ha. S e d a,
 - na. Kanorayang dwaning iwang pamargi utawi nilar sesana;
 - ca. Wit saking pakayun utawi pinunas ngaraga ;
 - ra. Tan kari maagama Hindu.
- (2) Nganorayang utawi ngentosin Parajuru Desa patut sajeroning paruman sabha desa tur kaingkupin olih Krama Desa
- (3) Nganorayang utawi ngentos prajuru Banjar patut sajeroning paruman tur kaingkupan olih Krama Banjar.

Pawos 19

- Sabha Desa inggih punika perangkat desa mawit saking dutta (wakil) krama banjar lan Sekaa Teruna ring banjar/tempek:
- ha. Sabha Desa Adat Bona patut :
 - na. Angga Sabha Desa Adat Bona patut :
 - 1) Mawit saking krama ngarep (wed) utawi krama pangele/pawos 14 angka 3 ha; ring ajeng;
 - 2) Mawit saking deha taruna saha kajangkepin antuk sane kabawos ring palet 2 pawos 14 angka a ha ring ajeng,
 - 3) Suwenyane kaadengan dados angga Sabha Desa inggih punika 5 (limang) warsa, tur dados kapilih malih. Pemulihan angga Sabha Desa Manut Pararem;
 - 4) Maduluran Dewa Saksi pawintenan ring silih sinunggil Pura Kahyangan Tiga Desa Adat Bona.

Pawos 20

- (1) Tatwa Sabha Desa kewantu utawi kasanggra olih :
 - ha. Patajuh utawi pangliman pinaka wakilnya adiri;
 - na. Panyarikan pinaka juru surat adiri;
 - ca. kasinoman pinaka juru arah adiri.
- (2) Ritatkala paruman patut kasarengin antuk Prajuru Desa lan Klian Banjar saha pamutus paruman sane marupa pararem patu, karawuhang ring krama Desa/Banjar.

Pawos 21

- (1) Swadarmaning Sabha Desa luwire :
 - ha. Mamilih ping kalih netepang tur ngararyanang Bendesa Adat saha kasungkemin antuk krama desa;
 - na. Netepang saha nyihnanyang uger-uger marupa pararem pelaksana Awig-awig Desa Adat;
 - ca. Ngawentenang parubahan Awig-awig tur patut kasungkeming antuk krama desa;
 - ra. Nureksin mungwing pelaksana Awig-awig sane kamargiang oleih Prajuru Adat.
- (2) Prade angga Sabha Desa iwang pelaksana kakeninin pamidanda tur dados kararyanang manut pararem.

Pawos 22

Patias utawi olih-olihan Prajuru/Angga Sabha Desa, manut pararem

Pawos 23

- (1) Prajuru/angga Sabha Desa kagentosin riantuk :
 - ha. Seda;
 - na. Kagentosin olih krama banjar utawi krama sekaa teruna soang-soang;
 - ca. wit saking pakayun utawi pinunas ngaraga;
 - ra. tan kari maagama Hindu.
- (2) Ngentosin angga Sabha Desa saking soang-soang banjar utawi sekaa taruna patut sajeroning paruman soang-soang.

Pawos 24

Santhi Kerta Sabha. Inggih punika wiwitin (lembaga) sane ngamargiang pangrajeg awig-awig manut sasuduk awig-awig.

ha. Santhi Kerta Sabha kaenter olih tatue Santhi Kerta Sabha;

na. Prajuru Santhi Kertha Sabha Desa Bona, patut :

- 1) Mawiwit saking krama ngarep utawi krama pangele/nangkeh, saha kajangkepin antuk pamisarat sakadi palet 2 pawos 14 angka 3 ha ring ajeng;
- 2) Suwenyane kaadegang dados angga santhi Kertha Sabha inggih punika 5 (lima) warsa tur dados kapilih malih. Pamilihan angga Santhi Kerta Sabha Kajudi olih Bendesa Adat manut paswaran Sabha Desa;
- 3) Maduluran dewa saksi pawintenan ring silih tunggil Pura Kahyangan Tiga Desa Adat Bona.

Pawos 25

- (1) Tatua Santhi Kerta Sabha kasanggra olih :
 - ha. Angga Santhi Kerta Sabha, akehnyane manut pararem;
 - na. Kawantu antuk penyarikan ngrangkep angga Santhi Kerta Sabha pinaka juru surat, adiri.
- (2) Ritatkala paruman Santhi Kertha Sabha, kasarengin antuk prajuru desa lan prajuru banjar manut wicara.

Pawos 26

- (1) Swadarmaning Shanti Kerta Sabha, luwire :
 - ha. Ngawentenang paruman maosin saparindik wicara tur muputang sekeluwir wicara sane metu ring pakraman Desa Adat Bona.
 - na. Ritatkalaning jaga muputang indik wicara adat, prajuru Shanti Kerta Sabha wenang natasang saparindiknyane, tur sampun utawi pamutus sane kawetuang kasukserahang ring Bendesa Adat Bona
 - ca. Ngaturang tetimbangan ring Bendesa Adat indik wicara luwire
 1. Krama marep krama ;
 2. Krama marep banjar ;
 3. Banjar marep banjar ;
 4. Miwah banjar marep Desa Adat tur wicara sane lianan.
 - ra. Sakelewirin prabeya sane metu sejeroning ngemargiyang pemutus, ketagok olih sang mawicara.
- (2) Prada angaga Shanti Kerta Sabha iwang pelaksana kakeninin pamidanda, tur dados kakaryanang, manut pararem.

Pawos 27

Patias utawi olih-oliha prajuru/angga Shanti kerta Sabha, manut pararem.

Pawos 28

- (1) Prajuru/angga Shanti Kerta Sabha Desa kagentosin riantuk :
- (2) Ngentosin angga Santhi Kertha Sabha olih bendesa adat saantukan kanorayang patut molihang paswaran Sabha Desa Adat Bona.

Pawos 29

Pacalang inggih punika nenten tiyos jaga baya desa :

- ha. Pacalang Desa Adat Bona kaenter olih tatua (komandan) Pacalang;
- na. Prajuru pacalang pateh sakadi prajuru hansip (Pertahanan Sipil) asapunika pacalang patut taler kajangkepin antuk pamisarat sakadi ring palet 2 pawos 14 angka 3 ha ring ajeng;
- ca. Suwenyane dados pacalang pateh suwenyane sakadi hansip, tur dados kapilih malih. Pacalang karumaksa antuk Bendesa Adat

Pawos 30

- (1) Swadarmaning pacalang, luwire:
 - ha. Nyaga keamanan lan katertiban jagat desa Bona lan upacara ritatkala wali Pura Kahyangan Desa, kenten taler ring upacara pacaruan tawur kasanga lan brata penyepian;
 - na. Ngetekin bungkul kelapa, ritatkala nemonin wali ngusabha ring Pura Puseh;
 - ca. Lan swadarmaning sane tiyosan nganutin pituduh Prajuru Desa Adat utawi Banjar, Utawi pituduh saking guru wisesa.
- (2) Prade angga pacalang iwang pelaksana kakenenin pamidanda tur dados kararyanang, sakewanten sakewanten patut ngmolihan paswaran saking Manggala Desa Bona, manut pararem.

Pawos 31

Piolihi-olihi Prajuru/angga pacalang, manut pararem.

Pawos 32

Prajuru/Angga pacalang kagentosin riantukan :

- ha. Seda;
- na. Kanorayang dwaning iwang pamargi utawi nilar sasana, manut sakadi ring pawos 30 angka 2;
- ca. Wit saking pakayun utawi pinunas ngaraga;
- ra. Tan kari maagama Hindu.

PALET 3 INDIK KULKUL

Pawos 33

- (1) Kulkul ring Desa luwire :
 - ha. Kulkul ring Kahyangan magenah ring kahyangan soang-soang;
 - na. Kulkul Desa Adat magenah ring Pura Desa;
 - ca. Kulkul Banjar/Tempekan megenahang ring Banjar/tempekan soang-soang;
 - ra. Kulkul Sekaa-sekaa megenah ring genah sane kesungkemin olih warga sekaa inicap.
- (2) Tabuh tatepakan kulkul ring Kahyangan Desa :
 - ha. Nungtit / silih asih, tengeran wenten Yadnya/Upacara;
 - na. Tulud banban, tengeran tedun ngayah, sangkep utawi makarya;
 - ca. Bulus, tengeran wenten bhaya.
- (3) Tabuh tatepakan kulkul ring soang-soang bebanjaran :
 - ha. Bulus
 - 1) 4 (petang) tulud bulus, tengeran kageni bhaya (pawaka bhaya);
 - 2) 3 (tigang) tulud bulus, tengeran biyota bhaya (anak miyegan saha gagawan);
 - 3) 2 (kalih) tulud bulus, tengeran artha bhaya (kapandangan);
 - 4) tigang klentungan bulus panjang, tengeran lindu, er, lan pawana bhaya.
 - na. Banban :
 - 1) atulud banban, tengeran tedun ngayah utawi wenten kakaryan, sangkep, parum lan sapanunggalannya;
 - 2) Nungtit silih asih tengeran surya graa, bulan kapangan;
 - 3) 3 (tigang) tulud banban ping tiga, tengeran kalayu sekaran (seda).
 - ca. Klentungan :
 - 1) 3 (tigang) klentungan, ping kalih, tengeran rare embas;
 - 2) 3 (tigang) klentungan apisan, tengeran pawiwahan;
 - 3) aklentungan ping lima ngempang panjang, tengeran nguwangdeang karya utawi ngayah karya.

Pawos 34

- (1) Kukul Kahyangan Desa keswarayang manut eed upakara Yadnya risampune wenten pitutuh saking prajuru desa/banjar. Yaning wenten mamurug patut kakeninin pamidanda manut pararem.
- (2) Kukul Desa utawi Banjar tan wenang katepak yening tan sangkaning pituduh prajuru Desa/Banjar sajawaning tengeran bhaya;
- (3) Sang nepak tan sangkaning pituduh sakadi angka (2) ring ajeng patut digelis atur supeksa maka buatan panepake, yan tan sapunika wenang sang mamurug kadanda manut pararem.
- (4) Kukul sekaa-sekaa samaliha kukul pondokan-pondokan tan kalugra nyawerin (matehin) sukat utawi tengeran kukul Desa/Banjar sajawaning tengeran bhaya, prade mamurug taler kadanda manut pararem.
- (5) Yening wenten tetepakan kukul tengeran kapanca bhaya (bulus) patut kasawurin olih kukul banjar siosan saha wenang katedunin sahanan krama saha gagawan manut ring kawentenan bhayane.

**PALET 4
INDIK PARUMAN**

Pawos 35

- (1) Paruman /sangkepan ring Desa Adat Bona wenten :
 - ha. Paruma Desa/Banjar, kawentenang manut wiguna, manut pararem;
 - na. Sangkepan prajuru/dulun desa, kawentenang manut wiguna;
 - ca. Paruman sekaa-sekaa manut pabuat.
- (2) Paruman Desa utawi Banjar madudonan sakadi ring sor :
 - ha. Prasida lumaksana risampun katedunin olih sang patut ngamiletin langkungin ring aparo, kamanggala antuk tengeran kukul miwah mabusana adat madya, sana tan kalugra makta gegawan sakaluwire, tan maren ngarcana ring Ida Bhagawan Panyarikan maka sarana Widhi Widana cane.
 - na. Maka sarana janggi, pangawit kalaksanayang panyacak sep-sepan saha riwusannya nyacak, ngetang dadosan gung alit manut pararem;
 - ca. Tan keluarga ngawetuang suwara goira utawi byota, yan wenten asapunika keni pamidanda beya pacamil kadi dandaning nguman-uman ring sabha, manut pararem;
 - ra. Pamutus bebawos manut paswaran krama (ingkup) punika kamanggehang bilih tan prasida kadi inucap pamutus paswaran krama langkungan ring aparo pamilet parum, dados kaajegang.
- (3) Prade pidaging paruman tan kaingkupin olih krama langkungan ring aparo mangda prajuru/DulunDesa ngilikang bebawos, saha pamutusnya mangda kararemin olih Krama Desa, bilih tan prasida kasungkemin jantos ping tiga prajuru/ Dulu wenang nunas bawos ring Sang Ngawa Wenang.

Pawos 36

- (1) Sajeroning paruman Desa, Bendesa patut nyobyahang pamargin ngenterang Desa, pamekas nganinin indik
 - ha. Munjuk lungsuring pakraman saha ayah-ayah, sulur arta brana, druwen Desa;
 - na. Rarincikan Prajuru / Dulu nganinin usaha Desa kapungkur
- (2) Pamutus paruman Desa sinanggeh pararem maka pamitegep daging Awig-awig

Pawos 37

- (1) Sangkepan prajuru/Dulun Desa kawenang wantah ngarincikang pangerencana usaha Desa kapungkur
- (2) Sangkepan Prajuru/Dulun Desa tan kawenang ngawedalang tategenan ring Krama sadereng kaingkupin olih Sabha Desa utawi Krama Desa ring paruman.
- (3) Pamutus sangkepan prajuru / Dulun Desa ngawetuang pasuwara, maka pidaging pituduh sang ngawawenang utawi ngonekang pecak pararem krama desa.

**PALET 5
INDIK DRUWEN DESA**

Pawos 38

Padruwen Desa Adat Bona sakadi ring sor :

- ha. Kahyangan Desa luwire :
 - 1). Kahyangan Tiga : Pura Desa, Bale Agung, lan Bale Panca, Pura Puseh, Pura Dalem lan Pura Prajapati (Pura Dalem Gede lan Pura Dalem Pasedana).
 - 2). Pura Melanting
- na. Wantilan Desa lan wantilan Pura Dalem (Pura Dalem Gede lan Pura Dalem Pasedana);
- ca. Tanah tegalan (manut ilikita) ;
- ra. Karang ayahan Desa ;
- ka. Setra-setra inggih punika setra Pura Dalem Gede lan Pura Dalem Pasedana ;
- da. Palaba pura, carik (manut ilikita)
- ta. Sasuhunan padruwean Desa luwire :
 - 1). Ratu Gede Barong ring Pura Puseh.
 - 2). Ratu Mas Lanang Istri ring Pura Dalem Gede.
 - 3). Ratu Ayulan Ratu Anom ring Pura Dalem Pasedana
- sa. Nyasa, sasanthi
- wa. Lembaga perkreditan Desa (LPD) lan Usaha Simpan Pinjam Desa Adat Bona
- la. Pasar
- ma. Lan padruwen tiyosan.

- Pilih-olihan Desa Adat Boma luwiro :
- ha. Pilih-olihan saking palaba Pura (Carik/Tegal);
 - na. Uruman Krama Desa Adat;
 - ca. Patek-patek Sakeng Guru Wisesa;
 - ra. Patek-patek sane tiyosan, sane patut;
 - ka. Usaha Desa Adat minakadi LPD lan Usaha Simpan Pinjam;
 - da. Pasar;
 - ta. Lan usaha tiyosan.

- Pawos 40
- (1) Prajuru/Dulun Desa wenang ngetungang pamupon laba Pura lan sapanunggalan druwen Desa;
 - (2) Pikolih lan pamuponnya kaanggen prabeya plodahan saha wewangunan ring Pura miwah anggen kabuatan Desa Adat;
 - (3) Nyabran pasangkapan Desa, Prajuru/dulu pangamong druwen desa nguningayang parindik munjuk langsung padruwean ring Krama Desa;
 - (4) Sakawuring druwen Desa, patut wenten ilikitannya;
 - (5) Tan kalugra ngadol utawi ngesahang padruweyan Desa yan tan kasungkemin olih Krama Desa ring paruman.

PALET 6
SUKERTAN PAMTEGEP
KAPING 1
KARANG, TEGAL LAN CARIK

- Pawos 41
- (1) Krama Desa pangamong karang Desa utawi gunakaya patut ngawatesin karang inucap antuk tembok utawi pagehan mangda pakutenannya asri.
 - (2) Wates sisi kaler miwah kangin patut kakaryanin olih sang ngamong karang ayahan inucap, sane mawasta gegaleng kaluan, sajawaning tanah pacatu, tegal, carik utawi tanah padruweyan ngaraga, sane kapiara watese sisi klod miwah kaub utawi manut drestha reh punika mawasta gegaleng kateben.
 - (3) Prade karasayang pagehan/turus inucap ngalikadin, yan pada arsa panyandinge, kengin watese nganggen pinget kewanten, kasaksinin olih Prajuru/Dulun Desa utawi pracihna pal saking Sang Ngawawenang.
 - (4) Prade wenten karang kabebeng/embet mangda kausahayang wenten pamarginnya, manut paigum lan pararem.
 - (5) Tan Kangin :
 - ha. Ngentungang wangken wewalungan, kapakarangan/tegal anak lian, kalih kamargine utawi katukade.
 - na. Ngembahan toya wit saking badan wewalungan, kakus, pasiraman, pawaregan miwah sane lianan.
 - ca. Prade wenten sekadi ring ajeng keni pamidanda manut pararem.

- Pawos 42
- (1) Sinalih tunggil Krama Desa/Banjar tan kalugra :
 - ha. Ngalah-alah margi, tegal ayahan Desa, karang Desa, lan sapanunggalannya;
 - na. Ngalah-alah tanah linggih kahyangan, tegal setra, lan sakancan linggih sinanggeh suci.
 - (2) Prade wenten sakadi ring ajeng, sang ngalalah wenang ngawaliang tanah inucap saha keni pamidanda manut pararem kadulurin upakara prade ngalalah tanah suci.

KAPING 2
PEPAYONAN

- Pawos 43
- (1) Ngawit nandur pepayonan tanem tuwuh patut adepa agung (ameter tengah) ngajeroang saking wates, prade jantos ngaliwat wates wenang kasepat gantungin.
 - (2) Yening wenten tatanduran ngungkulin, samaliha mawastu mayanin kapisaga patut kawara antuk paiguman ping ajeng mangda prasida sang nruwenang wit ngarebah utawi notor.
 - (3) Prade sampun kawara taler tan wenten usaha sang nruwenang wit, sang rumasa katetehan/kajerihan wenang masadok ring prajuru/Dulu, tur risampun kaparittas kalugra mademang wit inucap, sakewanten patin pepayonan patut katawur manut pangeloika sane nepasin.
 - (4) Sang keni pamidanda panyangaskara saha prabeya manut pararem arep ring wewangunan sang karubuhin, luwiro:
 - ha. Sang nruwenang wit sinanggeh mayanin, prade pungkut ngarubuhin wewangunan krama tiyos;
 - na. Sang notor, munggul utawi ngarebah taru tur ngarubuhin krama tiyos.
 - (5) Prada wenten wit mentik sajronin wates patut kapademang, mangda tan ngranayang wicara. Prade sampun ageng kapademang, wit punika pinara tiga :
 - ha. Apah tiga katur ring sang nruwenang wit.
 - na. Apah tiga katur ring sang penyandingnya.
 - ca. Apah tiga katur ring Desa Adat.
 - (6) Krama Desa patut ngamanggehang kawerdian tanem tuwuh sane ngawinang Desane asri.

KAPING 3 WEWANGUNAN

Pawos 44

- (1) Nyabran ngawangun patut :
ha Masadol ring Prajuru/Dulu, ping ajeng prade wewangunan nganinin wates;
na Ngangge sadat asta bhomi miwah gagulak asta kosala-kosali, sanistane manut ring patitis niskala;
ca Tan nyayubin Upiyaga.
- (2) Prade wewangunan jantos nyayubin bilih-bilih temboke ring telengin wates, risampun kawara tur kasadokang ring Prajuru/Dulu, wenang kadanda manut pararem saha tembok inucap kagubar utawi sanistane manpa lakuryaning abangan.

KAPING 4 WEWALUNGAN

Pawos 45

- (1) Warga Desa sane mamira wewalungan patut sayaga nitenin negul/ngalogor mangda tan ngarusak karang utawi pabianan Krama sewos, bilih-bilih jantos ngaranjing ngaletehin Kahyangan.
- (2) Prade wenten wewalungan malubar utawi ngeleb ngarusak pakarangan/pabianan Krama sewos, risampun kawara dados karaban tur kadanda ngawaliang wit sane karusak saha nawur panebas papiaran tetabanan, manut pangeloikan Prajuru/Dulun Desa.
- (3) Prade jantos ngaletehin linggih suci, minakadi Pamrajan, risampun kaparitas olih Prajuru/Dulu wenang sang nruwenang kadanda mabuhu agung (caru eka sata, maduluran tebasan prayascita durmanggala), prade ngaletehin Kahyangan Desa utawi Pura Pamaksan, wenang nyaronin antuk Panca sata makerep itik belang kalung.
- (4) Krama desa patut nyanggra wewalungan miwah sarwa prani, tan kapatutang ngamademang paksi, nuba ulam, miwah sang sewosan, Prade wenten malaksana sakadi punika keni pamidanda manut pararem tur kauturang ring sang Ngawawenang.

KAPING 5 BHAYA

Pawos 46

- (1) Perundik bhaya, iuwire : Jiwa bhaya, artha bhaya (kapandungan), dura cara ring Agama.
- (2) Sang manggilin kahanan jiwa bhaya, patut sepak kulkul bulus mapitulung manut pawos 33 (3) aksara ha lan pawos 34 angka (5).
- (3) Prade ring Desa kahanan jiwa bhaya, patut Desane ngaturang Bhuta Yadnya, tur sang mayamin (nyangkalen) kauturang ring sang Ngawawenang.
- (4) Prade wenten jatma mamukuh utawi nguman-uman jatma tiyos, kakenanin pamidanda beya pacamil maduluran tebasan prayascita.
- (5) Yening wenten jatma majengilan ring bale Banjar, Wantilan Desa, ring Pura, utawi ring genah sane kasanggah suci keni pamidanda manut patuwes, maduluran panyangskara prade sang majengilan kantos ngamadatang rah.

Pawos 47

- (1) Sang manggilin kahanan artha bhaya (kambungan), patut ngulukul mapitulung manut ring pawos 33 (3) aksara ha utawi sang kamalingan mit nguluka ring Prajuru/Dulun Desa sane pacang alimbangin utawi nandani manut patuwes, saha manuwes panyangskara prade wenten jatma ngamaling barang sinanggih suci.
- (2) Pratingkahi mapituh ring desa kabesah sawos, prade wenten jatma manggilin maling tan nyadokang ring Prajuru/Dulu jantos jantos tiyos ngadokang, patut kadanda kadi dandaning maling, sakweh pangangan wa manut carutan Banjar, lan prade jantos ping lega malaksana sawosika wenang kasukaerah ring sang Ngawawenang.
- (3) Prade wenten jatma ngaturang sawos, manadik dawa kaha, lan miwah sang sewosan tanpa sadok ring sang nruwenang wa, prade kadandik (kandik, patut kadanda kadi dandaning maling).
- (4) Yening wenten jatma ngaturang sawos pakarangan jatma tiyos rikala sawung, manuwes sang madulur kawang kawang wenang jatma sawos kabesah antuk madawa saksi ring Pura Bale Agung.
- (5) Manpa tan kauturang manut sadat ring ngung, sawos-sawos ngaturang kapukuhon jatma tiyos patut :
ha Bhataprah sawos (matanab).
na Nyanta sang nruwang kawang sawos manadik ring pangapi pinih tampak, maka buatan pangawanting.
ca Pamodal katangpa kadangpa haw/sawat/sawos maka sawos pangarah rikala sawung.

(3) Pangaci ring Pura inucap manut kecap sastra Agama, saha kalaksanayang nista, madia, utama manut kawentenan lan pararem/ manut dresta. Siyosan ring pangaci inucap kawentenan rikala Purnamaning kapat ngadeg 3 (tigang) rahina.

(4) Pangempon soang-soang Pura manut dresta kadi sor :

- ha. Pura Desa/Bale Agung, lan Bale Pakence, kaempon olih krama Desa Adat Bona;
- na. Pura Puseh, kaempon olih krama Desa Adat Bona;
- ca. Pura Dalem Gede lan Prajapati, kaempon olih krama Desa Panangga Pura Dalem Gede lam Prajapati;
- ra. Pura Dalem Pasedana lan Prajapati, kaempon olih Panangga Pura Dalem Pasedana lan Prajapati;
- ka. Pura Puseh Alit, kaempon olih Pamaksan Pura Puseh Alit;
- da. Pura Dalem Jelantik (Dalem Tangieng/Dalem Cipta), kaempon olih Pamangku Puri Kaleran, Puri Delodan lan kasangga olih Pamaksan Pura Dalem Jelantik;
- ta. Pura Dalem Ulangun, kaempon olih Warga Pangemong Pamaksan Pure Dalem Ulangun;
- sa. Pura Selonding, kaempon olih warga pangemong/pamaksan Pura Selonding;
- wa. Pura Bale Agung, kaempon olih warga pangamong/pamaksan Pura Bale Agung;
- la. Pura Segening, kaempon olih warga pamaksan Pura Segening;
- ma. Pura Gunung Alit, kaempon olih warga pangamong/pamaksan Pura Gunung Alit;
- ga. Pura Dalem Tiga, kaempon olih warga pangamong/pamaksan Pura Dalem Tiga;
- ba. Pura Penangsaran, kaempon olih warga pangamong/pamaksan Pura Penangsaran;
- nga. Pura Pangadangan, kaempon olih warga pangamong/pamaksan Pura Pangadangan;
- pa. Pura Melanting, kaempon olih Krama Desa Adat Bona

(5) Indik Yadnya tiyosan ring angka (3) ring ajeng, kengin kamargiang manut kawigunan lan manut pararem.

Pawos 53

(1) Ring soang-soang Pura inucap patut kaadegang Pamangku :

(2) Ngadegang Pamangku manut dudonan :

ha. Nyanjan mapiteges mapinunas ring ajeng Pura wiadin kadura Desa manawi ring balian konteng, lan sapanunggalannya;

na. Turunan utawi waris ;

ca. Kacatri olih krama Desa;

ra. Ngamargiang lekesan (lotre) ring paruman.

(3) Tan kawenang adegang Pamangku luwire :

ha. Cendangga makadi peceng, perot, cungh lan sapanunggilan ipun

na. Sang sapasira ugi sane tan kapatutang manut pararem ;

ca. Sakit ila, ayan, buduh wiadin edan ;

ra. Sane tan madrebe kasucian urip.

(4) Prabia kapamangkuan :

ha. Adiksa Widhi (ngawintenin) lanang istri kamedalin saha kalaksanayang olih sang ngadegang, makadi krama Desa utawi pangempon Pura soang-soang ;

na. Mapitra Yadnya riwekas lanang miwah istri seda patut kasungkemin olih Krama Desa utawi pangemong, sanistane upakarannyane Brahmaprasyasta, panyanggrane manut pararem prade Yadnya inucap kalaksanayang oleh wargan sira pamangku.

ca. Sinalih tunggil krama yan wenten ngipik-ngipik sapari polah Pamangku, nanging pamangku tan sapunika pari polahnya kadi sane kaipik-ipik, wenang jadma inucap kasisipang nyuciang pamangku, manut pararem.

(5) Pamangku patut ngamanggehang sesananing Pamangku luwire :

ha. Ambek Dharma Sadhu;

na. Asewaka Dharma, makadang sastra utama ;

ca. Tan parek ring naya dustha ;

ra. Tan atayub ring tarub camara yudha ;

ka. Tan manjing ring umah wong banija krama ;

da. Tan manjing ring umah wong drati krama ;

ta. Tan wenang ajajuden ;

sa. Tan anginum asing angawe mada ;

wa. Tan pati pikul-pikulan ;

la. Tan pati salah suluh ;

ma. Tan wenang anayub upadrawaning cor, yan mawiyawahara teka wenang adewa saksi

ga. Tan griganing wong akweh ;

ba. Tan keneng cuntakaning wong len, sajawanin kulawarganya tunggil natah, utawi pasiwanya manut dresta.

(6) Prade mamurug, wenang Pamangku nyepuhin raga kasaksinin olih prajuru Desa.

(7) Yan pacang ngawalat rabi wenang ngaturang rumuhun pawintenanya, ring pura genahnya madeg pamangku nguni, tembenya wawu wenang ngawalat rabi, riwus upacara wenang ngawana wasa salaminya atahun, wus punika wawu mawinten lakibi kadi pawintenanya nguni.

Pawos 53

Swadharman Pamangku luwire :

- ha. Ngenterang upacara piodalan ring Kahyangan utawi ring soang-soang pakubon krama ;
- na. Prade salah sinunggil Pamangku kapialang utawi cuntaka, kengin nguntap Pamangku kahyangan desa tiosan utawi nuhur sang sulinggih;
- ca. Samaliha yan sampun Pamangku ngayah ring Pura kancit wenten kulawarganny; seda, Pamangku inucap tan keneng cuntaka sakewanten Pamangku tan budal salami piodalan.

Pawos 54

Patias utawi olih-olihan Pamangku luwire ;

- ha. Sarin canang ritatkala ngaturang upacara ring soang-soang pakubon krama Desa utawi upacara ring kahyangan desa (Kahyangan Tiga);
- na. Upon palaba carik miwah tegal manut pararem;
- ca. Luput pakaryan, rerampen/reramon, lan padagingan;
- ra. Patias sewosan manut pararem.

Pawos 55

(1) Pamangku kagentosin riantukan :

ha. S e d a ;

na. Pinunas ngaraga, saantukan sisu, sangkanin kageringan lan sapanunggalannya ;

ca. Kauwusang olih krama sangkanin malaksana sane tan patut.

(2) Prade Pamangku kauwusang sangkaning malaksana tan patut keni pamidanda manut pararem saha ngawaliang prabiya pawintenannya pecak.

Pawos 56

Kasukertan Kahyangan kadi ring sor :

ha. Tan kalugra ngaranjing kapura luwire :

- 1) Sang katiben cuntaka manut pawos 62;
- 2) Makta sahanan barang sinanggeh ngaletihin ;
- 3) Sato agung, sajawaning rikala mapapada ;
- 4) Mabusana sane tan patut kadi tatacaraning ngaranjing ka Pura ;
- 5) Sadereng polih wak-wakan (pituduh) Prajuru / Dulun Desa, inucap aksara ha angka 2,3 lan 4 manut pararem.

na. Pratingkahe tan wenang ring pura :

- 1) Masumpah (cor) sajawaning pituduh Prajuru/Dulun desa ;
- 2) Wak parusya/wak capala, makobetan, masasenengan, makolem dados asiki lanang wadon, mabacin, mawarih, macecepin rare, majaljal/majengilan, nyangsang busana, manahin pusungan (santukan punika rikala majajahitan patut magelung busung macingor lidinya) ;
- 3) Munggah tedun palinggih sajawaning pituduh Prajuru/Dulu.

ca. Sang mamurung kecap ring ajeng keni pamidanda pamrayascita sapatutnya.

Pawos 57

- (1) Yan wenten jadm karawuhan ring Pura, dados kapintonin prade rumasa kasumangsayan, yan tan wiakti, jatma inucap kasisipang manut pararem.
- (2) Prade Kahyangan kahanan durmanggala, minakadi keni bhaya Pamangku/Sang manggihin, patut digelis nyadokang ring Prajuru/Dulu mangda marumang krama Desa tur ngawentenang pamrayascitta sapatutnya.

PALET 2
• INDIK RESI YADNYA

Pawos 55

- (1) Sang pacang madeg Pandita utawi Pinandita minakadi Ballian Sonteng, Kubayan, Dalang, sakaluwiring sane jagi ngenterang Yadnya patut masadok ring Prajuru Desa utawi Parisada Hindu Dharma Indonesia.
- (2) Prajuru Desa patut ngawas nitenin tur wenang ngalangin prade wenten kacihnan nyasar ring kacecap miwah kawenangannya ngenterang yadnya, manut pararem.
- (3) Krama Desa patut ngaturang ayah sapamadeg miwah ring pangelepas Sang Sulinggih riwekas katuntun olih Prajuru/Dulu Desa, manut pararem.

Pawos 59

- (1) Sang Sulinggih lan pamangku patut ngriyining muputang ring wawidangan Desa Adat Bona sasampun punika wawu muputang yadnya kajebar tios Desa utawi kadura Desa.
- (2) Krama Desa sami patut sareng ngawas nitenin katuntun olih Prajuru/Dulu-dulu, mangda sahanan yadnya sane kawentenang kaicen pamuput olih Padanda utawi Pinandita manut kawenanganya soang-soang.

PALET 3
INDIK PITRA YADNYA

Pawos 60

Pamargin Pitra Yadnya madudonan manut sakadi ring sor :

- ha. Pangupakaran Sang kalayu sekaran :
 - 1) Antuk mendem utawi ngeseng, makacihna pakingsan ring ibu Pratiwi utawi ring geni, salami nuptupang prabeya;
 - 2) Atiwa-tiwa (upakara pangabenan/palebun)
- na. Upacara upakara Pitra Yadnya riwusan kaabenan ngararis munggah daun bingin (ngaroras) manut dudonan Atma Wedana.

Pawos 61

Swadharmaning lan tategenan prade wenten sinalih tunggil Krama kalayu sekaraan :

- ha. Sang kaduhkitan patut :
 - 1) Nyadokang ring Klian tur nunas tatimbangan ring kawentenanya;
 - 2) Ngaturin Banjar ngarombo makarya eteh-ete sawa saha ngater kasetra, tur katuran panyambroma canang sasida-sidaan, manut pararem,
- na. Swadharmaning Banjar :
 - 1) Klian Banjar maritatas pamargin sang kaduhkitan, napike pacang kapendem, makingsan riyin utawi lantur kaabenang;
 - 2) Prade kapendem, raris kaswarayang kulkul pamitahu manut pawos 33 (3) aksara na olih Klian Banjar utawi wakilnya.
 - 3) Panyanggran Banjar salanturnyane :
 - ha) soang-soang Krama Banjar nedunang patus manut pararem.
 - na) ngarombo ngaryanin eteh-ete sawa, kasarengin olih Krama sane rawuh ngarombo.
 - ca) sami Krama banjar nganter kasetra jantos puput pamer:demane utawi mabasmi.
- ca. Tan kengin ngalelet langkungan ring 7 (pitung) rahina, tur patut polih pagebagan manut paetengan Klian Patus / Banjar sawawaning wenten pakibeh sewos.
- ra. Tan kalugra nginepang bangbang miwah mendem rikala :

Semut sadulur,
Kala gotongan,
Pasah,
Anggara Kliwon, Bhuda Kliwon, Saniscara Kliwon,
Prawani, Purnama, Tilem,
Rerahinan jagat lan rerahinan kekran jagat, manut pararem.
- ka. Prade wenten kalayu sekaran rikala piodalan, kengin mendem tanpa sadok, tan nyuwarayang kentongan/ kulkul tur mamargi wengi/sasiliban utawi ka setra siosan (setra pakingsan).
- da. Pamargin pamendeman utawi palebonan nganutin sastra agama lan dresta.

Pawos 62

- (1) Sane kasinanggeh kacuntaka sakadi ring sor :
 - ha. cuntaka antuk kalayu sekaran ;
 - na. cuntaka antuk ngraja swala ;
 - ca. cuntaka antuk ngembasang putra ;
 - ra. cuntaka antuk karuron ;
 - ka. cuntaka antuk sakit ila, buduh ;
 - da. cuntaka antuk pawiwahan ;
 - ta. cuntaka antuk gamia gamana ;
 - sa. cuntaka antuk salah timpal ;
 - wa. cuntaka antuk yening wentenan anak istri mobot nenten kaupakarayang pabiukawonan miwah pawidiwidana ;
 - la. cuntaka antuk mamitra ngalang ;
 - ma. cuntaka antuk yaning wenten anak istri ngamedalang putra sadurunge maupakara pabiukaonan miwah pawidiwidana ;
 - ga. cuntaka antuk sad Tatayi.

- (2) Sengker cuntaka manut kawentenannya :
- ha. cuntaka kalyu sekaran, cuntakanya kaanutang ring loka dresta Desa Adat soang-soang
 - na. cuntaka ngraja swala, 3 rahina ngawit saking ngraja swala utawi salaming ngraja swala ;
 - ca. cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maperayascita manut sastra Agama, lanang wiadin istri ;
 - ra. cuntaka karuron, cuntakanya abulan pitung rahina (42 rahina) tur sampun matirta pamerayascita ;
 - ka. cuntaka sakit ila, buduh/edan, cuntakanya manut ilikita pastika saking Sang Ngawawenang/sang nambanin miwah sampun mrayascita raga ;
 - da. cuntaka pawiwahan, cuntakanya ngatos sesampune matirta pabiukaonan ;
 - ta. cuntaka gamia gamana, cuntakanya ngantos sesampune kapalasang/kasapihang tur sampun kawentenang pamrayascita raga miwah pamrayascita Desa Adat/Kahyangan
 - sa. cuntaka salah timpal kapuputang manut ring sastra Agama Hindu ;
 - wa. cuntaka anak istri mobot nenten kawetenan upakara pabiukaonan, cuntakanya ngantos kawentenang upakara pabiukaonan ;
 - la. cuntaka mamitra ngalang, cuntakanya ngantos kawentenang upakara pabiukaonan.
 - ma. ngembasang putra nenten kawentenang upakara pabiukaonan miwah pawidiwidanan, cuntakanya ngantos wenten sane mameras sang putra, lan sampun kawentenang upakara manut ring sastra Agama Hindu ;
 - ga. cuntaka Sad Tatayi, cuntakanya ngantos sampun maprayascita raga tur nenten pisan dados ngamungganghang upacara padwijatian.
- (3) Cuntaka kalayu sekaraan/kapademan :
- ha. Kapendem cuntakanya :
 - 1) cuntaka/sebel kabanjar ngantos 3 rahina riwusnya mendem/manut dresta utawi sasmpun polih pamrayascita.
 - 2) Kulawargania sajeroning pakarangan manut dresta wangsa (soroh).
 - na. Kaabenang cuntakanya :
Sang nyambut karya Pitra Yadnya cuntakanya ngawit saking nyambut padewasan karya, wusan mapegat kalanturang malih tigang rahina.
- (4) Sane katiben cuntaka luwire :
- ha. Kalayu sekaran sane kacuntaka :
 - 1) sang sane kalayu sekaran ;
 - 2) kulawarganya ;
 - 3) babanjaran ;
 - na. Ngraja swala sane kacuntaka :
 - Sang sane ngarajaswala.
 - ca. Ngembas putra sane kacuntaka :
 - Kawulawargania sane ngembasang putra (lanang istri).
 - ra. Pawiwahan sane kacuntaka :
 - Sang sane ngalaksanayang pawiwahan (lanang istri).
 - ka. Sakit ila/buduh, sane kacuntaka raganya dawak.
 - da. Karuron sane kacuntaka :
 - Kawula warganya (lanang istri).
 - ta. Gamia gamana sane kacuntaka :
 - 1) Sang sane ngalaksanayang gamia gamana ;
 - 2) Desa Adat nyane.
 - sa. Salah timpal sane kacuntaka :
 - 1) Sang sane malaksana salah timpal ;
 - 2) Kulawarganya ;
 - 3) Desa Adat.
 - wa. Anak istri mobot nenten kawentenang upacara pabiukaonan sane kacuntaka :
 - Sane maraga istri (sane mobot)
 - la. Mamitra ngalang sane cuntaka :
 - Sane ngalaksanayang mamitra ngalang.
 - ma. Ngembas putra nenten kawentenang upakara pabiukaonan miwah upakara pawidi-widana sane kacuntaka :
 - 1) Sang sane ngembasang putra ;
 - 2) Putra sane embas.
 - ga. Sad Tatayi, sane kacuntaka :
 - Sang malaksana Sad Tatayi.
- (5) Tan keneng cuntaka, luwire :
- 1) Sang sulinggih lan Pamangku Kahyangan tiga ;
 - 2) Rikala piodalan risampun ngalang sasih/ngalang tengah.

Pawos 63

- (1) Attiwa-tiwa (pangabenan) kalaksanayang antuk :
 - ha. Sawa prateka, pangabenan mawatang sawa ;
 - na. Sawa resi, pangabenan mawatang antuk sawa karesian ;
 - ca. Swasta, pangabenan mawatang sawa sane tan kakeniang, kagentos antuk lalang utawi toya.
- (2) Panamayan pangabenan wenten 3 (tigang) pawos :
 - ha. Ngaben dadakan/bah bangun manut pararem ;
 - na. Ngaben sasih (ngawarsa manut sasih ngaben) ;
 - ca. Ngaben ngamasa, manut pararem.
- (3) Dudonan pangabenan ngawit saking ngagah/seda, ngeseng ngantos pangiriman utawi nganyut.

Pawos 64

- (1) Peputusan pangabenan wenten kalih pawos :
 - ha. Ngaben ngamasa luwire manut pararem.
 - na. Ngaben dadakan, utawi ngaben sasih patch sakadi patus seda/kapendem, utawi manut pararem.
- (2) Pangingune ring Krama banjar ngawit ngayah manut abot dangan kawentenan karya manut pararem.

PALET 4
INDIK MANUSA YADNYA

Pawos 65

- (1) Manusa Yadnya inggih punika upacara-upakara dharmaning kahuripan manusa, ngawit sakeng patemoning kama bang kalawan kama petak sajeroning garbha ngantos kalayu sekaran riwekas.
- (2) Upacara ring ajeng madudonan sakadi ring sor :
 - ha. magedong-gedongan duk pangerempinian ibiang ;
 - na. duk sang kamareka medal ;
 - ca. kepus odel ;
 - ra. roras rahina ;
 - ka. tutug kambuhan (42 rahina) ;
 - da. nigang sasihin (3 sasih) ;
 - ta. pawetuan/otonan/odalan (6 sasih) ;
 - sa. tutug kelih (ngraja swala wadone, ngembakin lanange)
 - wa. matatah/mapandes ;
 - la. mawiwaha ;
 - ma. mawinten.
- (3) Upacara-upakara inucap nista, madia, utama manut sastra Agama Hindu lan dresta.

PALET 5
INDIK BHUTA YADNYA

Pawos 66

- (1) Bhuta Yadnya inggih punika upacara-upakara byakala ring Pratiwi lan Kahyangang, sarwa prani saha upacara-upakara ring babuthan miwah ring piranti sewosan.
- (2) Upacara pabyakala ring sarwa prani, sarwa tumuwuh muwang piranti luwire :
 - ha. Ring sarwa lelandep rikala Saniscara Kliwon wuku Landep ;
 - na. Ring sarwa tumuwuh lan piranti rikala Saniscara Kliwon wuku Wariga ;
 - ca. Ring sarwa syandana/wahana rikala saniscara Kliwon wuku Kuningan ;
 - ra. Ring sarwa lelanguan rikala Saniscara Kliwon wuku Krulut ;
 - ka. Ring sarwa ingon-ingon/wewalungan rikala Saniscara kliwon wuku Uye ;
 - da. Ring sarwa ringgit, ukir-ukiran rikala Saniscara Kliwon wuku Wayang ;
 - ta. Upacara pakala-kalan manusa manut widana, kabawos pabyakala.
- (3) Upacara pabyakala ring Pratiwi, Kahyangan lan Babuthan kawastaning macaru.
- (4) Pacaruan inucap ring ajeng nista, madia, utama, manut wiguna kadi ring sor :
 - ha. Ekasata ;
 - ca. Panca kelud ;
 - ka. Panca sanak ;
 - na. Panca sata ;
 - ra. Resi gana ;
 - da. Tawur Agung ;
- (5) Sajawaning kadi ring ajeng kawentenang upakara :
 - ha. Ngejota/mesaiban utawi yadnya sesa nyabran wusan ngarateng ;
 - na. masapuh-sapuh rikala pacang wali ring pura ;
 - ca. Pacaruan pasasih kalaksanayang nangken Tileman ngawit sasih ka 5, 6, 7, 8, lan ka 9, sajawanin wenten durbiksan jagat.

- (1) Nangklen ngawarsa rikalaning Tilem kasanga kawentenang tawur kasanga, kalanturang antuk ngarupuk, makacihna pacang mapag rahina panyepian benjangne.
- (2) Brata panyepian sane kamargiang olib Krama Desa :
 ha amati geni, tan lengin maapi api ;
 na amati larva, tan lengin nyambit larva ;
 ca amati lelangan, tan lengin maoneng-ononengan, masuwara gora, lan sapanunggalannya.
 ra amati lelangan, tan dadot malakatan.
- (3) Pabratan manap kamargiang sakeng semeng ngantos semeng benjangne raris kasuwarayang kulkul punika cihna pangrembak.
- (4) Sang mamburung kecap ring ajeng keni pamidanda manut pararem Banjar/tempek soang-soang kamargiang olib patelik (pucalang Desa).
- (5) Rowas rahina Nyepi (benjangne) maka cihna pangawit Isaka Warsa, patut warga Desa sami madharma Senti.

**PANCAMA SARGAH
SUKERTA TATA PAWONGAN
PALET I
INDIK PAWIWAHAN**

- (1) Pawiwahan inggih punika patemon purusa kafawan pradana, malarapan panunggalan kayun suka lila kadulurin upasaksi sakala niskala.
- (2) Pamargin pawiwahan luwite :
 ha Pepaditan kamanggala antuk pakrunayan ;
 na Nyarotod marangkal riyin wawa kakrunayang ;
 ca Nyebutin utawi sentana nyebutin (rasampun nganutin upakara pamerasan);.
- (3) Pidadab sang pacang mawiwaha patut
 ha sampun manggeh daha-taruna (praida nganutin Undang-undang);
 na sangkaling pada lila (tan kapaksa);
 ca manut ketap sastra Agama (tan pamra gamana);
 ra kawadiwadati pradi pangambale towa Agama utawi kapatiwangi.
- (4) Pamargin pawiwahan mangda taler nganutin Undang-undang Perkawinan sakeng Sang Ngawawenang.

- (1) Pawiwahan sane kapatutug ring Desa sakadi ring sor :
 ha sampun kamargiang pabyakala utawi pasakapan, kasakxiang sakala niskala olib Pandita utawi Pinandita
 na wenten pasaksi Prajuru/Dulu-dulu sane mapakelingang utawi ngilikitayang pawiwahan
 ca sampun matenperan suwaran kulkul
 ra pawiwahan mucap ring ajeng sampun karatetang ring sang Ngawawenang.
- (2) Parabian sane tan manut kadi kecap ring ajeng samanggeh tan patut.

- Tata caraning parabian patut sakadi sor :
- ha Sapa towa ngi pacang ngawawenang pakulawarganya patut masadok ring Prajuru/Dulu-dulu, salantunya Prajurudulu maritatas manut tan manut pamargin parabiane ;
 - na Pamargin pepaditan manut dudunan
 - 1) pakulawarga janten ping tiga, saha soang-soang malarapan :
 ha Kapathama antuk carang-wedah,
 na kapung kalih antuk carang pangawasa,
 ca kapung tiga antuk dakawa pajati kabawa pamuput pamadikan,
 pabyakala
 - 2) mangda papat tawis sakala niskala, tawis kabawaga purusa makta pajati ring Pamrajan pradana.
 - 3) Pradi ngawawenang matangkal patut
 - ca Pradi ngawawenang matangkal patut
 - 1) tetaman lanang ngawawenang pamadika/pangenduh antuk duta sakrangnya 2 (kalih) diri ;
 - 2) papemalar antuk lan lengin ring pakubon sang lanang sadereng mabeyakala ;
 - ra Sajeroning parabian ngawawenang patut
 - 1) katinggala antuk ping pangawasa usap ring tetaman wadone ;
 - 2) katinggala tetaman idih patatik saha pakubon usap ring pasawakan sang ngidih saha dewasa ;
 - 3) katinggala idih kapawasa mawa pradi tetaman usap kajejerung kapatut ngidih anak lanang sane kabawa parabian nyebutin, lan rasampun saha pamerasan katgepin kamanggehang sentana nyebutin
 - ka Paketab kambahat mapalaga ngawawenang antuk tetaman wadone (paput)
 - 1) Sajeroning kabahe antuk katinggala saha ping tiga sakala niskala masarana jejauman miwah pawidi widana mapadana duwaning manut sakala ring sor :
 ha jejauman pradi ngawawenang katinggala katinggala soang-soang pakulawarga wadone
 na widana pradi pajati niskala tetaman wadone ring Pamrajanya.
 - 2) Sajeroning towa ketap pamarga ring sakala :
 ha antuk percahi ketap Banjar duwaning kapawahan matanggahan suwaran kulkul
 na percahi pasaksi Prajurudulu dudu sane ngilikitayang.

PALET 2 INDIK NYAPIAN

Pawos 71

- (1) Pawiwahan prasida kawusang malarapan antuk palas parabian utawi kapademan.
- (2) Wusan mapakuren riantukan salah sinunggal seda mapiteges balu, makadi balu lanang/wadon.
- (3) Palas parabian inggih punika sangkaning mawiwit wicara.
- (4) Sang ayat palas marabian patut atur supeksa pailikitan riyin ring sang Rumawos wastu tinas apadang pamutuse kabawos nyapian wawu Prajuru nyobyahang kawentenannya ring Desa saha keni panebes swaran kulkul manut pararem.

Pawos 72

Tata cara palas parabian sakadi ring sor :

- ha. nawur prabeya pasaksi sinalih tunggil sami matenga ;
- na. pagunakayan polih pahan pada ;
- ca. pabekel, tadtadan soang-soang kakuasa niri-niri miwah warisan kakuasa olih purusa ;
- ra. ngaweruhin miwah ngupajiwain pratisentana manut swadharmaning guru rupaka ;
- ka. nawur pamidanda panebasan swaran kulkul manut pararem ;
- da. ngelung jinah logika Prajuru/Dulul ;
- ta. mapamit ring pamrajan lanange.

Pawos 73

Prade riwekas sang palas kacihnan adung malih, patut :

- ha. ngalaksanayang pawiwahan malih ;
- na. kadenda nikel saking palase.

Pawos 74

- (1) Sang balu kabinayang dados :
 - ha. balu luh wit sentana (sentana rajeg) miwah balu luh boya sentana ;
 - na. balu muani kapurusa (wit sentana) miwah balu muani nyeburin (boya sentana).
- (2) Swadharmaning balu inucap patut :
 - ha. ngamanggehang patibrata tan kengin ngamargiang paradara/darati krama ;
 - na. nguasayang waris pagunakaya, tan dados ngadol, ngadecang, makidihang lan siosan punika, sawawaning kabebasaning olih pianak utawi kulawarga pinih tampek sakeng kurenannya prade pianak kantung alit-alit ;
 - ca. kengin ngidih sentana prade wenten pidabdab saduring sinalih tunggil padem, saha kabebasaning olih kulawarga sakeng kapurusa ;
 - ra. kawenangang mawiwaha malih, prade wenten kabebasaning manut angka/aksara (na) lan (ca) ring ajeng.

Pawos 75

Batu kaucap tan pagch sakadi ring sor :

- ha. daratikrama utawi paradara ;
- na. matilar saking pakubon tan pasadok jantos 6 (enem) sasih ;
- ca. lempas ring awadharna sewos-sewosan, tan prasida ngesehin solah maprawerti arep ring pituduh sane patut sakeng kulawarga purusa.

PALET 3 INDIK SENTANA

Pawos 76

- (1) Sentana wenten kalih pawos, sane kaucap pratisentana miwah sentana paperasan.
- (2) Pratisentana inggih punika sentana sane merta saking pawiwahan kapatut.
- (3) Prade pawiwahan tan kapatut ngawetuang sentana, mangda tan kantung kawastantin babinjat utawi astru patut kamanggala antuk panyangaskara.
- (4) Prade pawiwahan tan ngawetuang sentana kengin ngidih sentana antuk upasakti sakala niskala sane kawastantin sentana paperasan.
- (5) Sentana rajeg inggih punika, pratisentana wadon (pradana) sane kamanggehang kacaburan.
- (6) Sang sane dados kausayang sentana rajeg inucap wawit angka (5), inggih punika :
 - ha. Pratisentana wadon tunggal ;
 - na. Sampun kamanggehang dados pratisentana lanang (purusa).
 - ca. Kapawiwahang kacaburan kautamayang olih jidma sane maagama hindu utawi jidma sane maagama siyosan sane sampun ngalaksanayang pamarisada raga utawi sudiwadani ;
 - ra. Sane ngamanggehang sentana rajeg patut mapasadok ring Prajuru Banjar, tur 1 Klan Banjar patut nyobyahang ring Banjar saha ngaturang ring Prajuru Desa Adat.

Pawos 77

- (1) Ngangkat sentana manut dudonan patut makacihna arta berana pamerasan sane kasaksiang sakala-niskala
- (2) Sapa sira upi krama pacang ngidih sentana patut masadok ring Klian Banjar/Adat utawi Bendesa sanistana 3 (tjjang) sasih sadereng pamerasan. Bendesa ngalanturang pakarsa punika ring sang ngawa wenang ;
- (3) Bendesa kawakilin olih Klian-klian Banjar nyobyahang ring sawidangan Desa. sang sapa sira ugi rumasa tun lla mangda nyadokang masenpker kalih uku (14 rahina) sabanen pamerasan ring Bendesa Adat ;
- (4) Prajuru/Dulu Desa digelis miawosin saha ngicenin pamutus nepek ring catur dresta miwah pararem ;
- (5) Prade sulur paperasan tan manut kadi kecap ring ajeng. Prajuru/Dulun Desa wenang ngandeg sang pacang mumeras saha ngicenin pamutus mangda kapuputang riyin bawos, sulur utawi wicaranya.

Pawos 78

- (1) Paperasan sane kapatut ring Desa risampun makacihna :
 - ha. Widi-widana paperasan ;
 - na. Kasaksinin olih prajuru Desa sane makelingang utawi ngilikitayang.
 - ca. kasobyahang ring wawidangan Desane.
- (2) Sane kapatut peras angge sentana kadi ring sor :
 - ha. Jutma maagama Hindu.
 - na. Papernahan nedunang saking sang meras ;
 - ca. kulawarga saking purusa, prade tan wenten sakeng purusa kengin sakeng wadon, yening taler ten wenten wawu kengin sakama-kama (saking kayun) ;
 - ra. Kautamayang saking waris pancet kapurusa ;
 - ka. Sinalih tunggal mawiwit saking kulawarga tunggal sanggah utawi merajan. paibon lan dadia utawi ngambilin anak tiis saketwanten sang maagama Hindu.
- (3) Kengin ngangkat sentana langkungan ring adiri, lanang wiadin wadon, prade ngangkat sentana lanang wadon, nenten dados kapawiwahang.

PALET 4
INDIK WARISAN

Pawos 79

- (1) Warisan inggih punika tetamian arta berana saha ayah-ayah ngupadi kasukertan sakala lan niskala saking kaluhurannya arep ring turunannya.
- (2) Kang sinanggeh warisan luwire :
 - ha. Duwe tengah, makadi tegal, ayahan Desa, Kahyangan, pusaka siwa pakarana lan sapanunggalanya ;
 - na. Pamerajan ;
 - ca. Pagunakayan, tadtadan/jiwa dana, hutang piutang.
- (3) Wawu kengin kabawos warisan prade wenten :
 - ha. Sang mapiturun (pawaris) ;
 - na. Katurunan (ahli waris) ;
 - ca. Arta berana miwah tategenan ayah-ayahan makacihna warisan.

Pawos 80

- (1) Ahli waris luwire :
 - ha. Pratisentana purusa ;
 - na. Pratisentana pradana (sentana rajeg) ;
 - ca. Sentana paperasan lanang/wadon
- (2) Prade tan wenten sakadi ring ajeng, kang sinanggeh ahli waris :
 - ha. Turunan purusa pernah munggahang, rerama lanang, pekak salantur ipun rerama misan, mindon ;
 - na. Turunan purusa pernah kasamping makadi kaponakan misan, mindon.

Pawos 81

- Swadharmaning ahli waris patut :
 - ha. Nerima saha nguasayang tetamian pahana saking kaluhurannya, makadi ngarempun sanggah, pura saha pangupakaranya miwah nyelidihinin ayah-ayahan pawaris ;
 - na. ngabenang pawaris saha ngalanturang upacara-upakara pitra yadnya.
 - ca. Nawurin hutang-hutang pawaris sane manut pangaloika.

Pawos 82

- Pangepahan waris manut sakadi ring sor :
 - ha. Risampun kalaksanayang Pitra Yadnya lan hutang-hutang pawaris buntas katawur ;
 - na. Para ahli waris polih pahana pada sangkaning pagunakayan, sajabaning karang/tegal, ayahan Desa kaamong olih ahli waris kang sinanggeh Krama ngarep (manut dresta) ;
 - ca. Sinalih tunggal ahli waris kengin tan polih pahana prade :
 - 1) Nilar kawitan lan sesananing Agama ;
 - 2) Alpaka guru rupaka ;
 - 3) Sentana rajeg kesah mawiwaha utawi pratisentana nyeburin, soang-soang kabawos ninggal kadaton.
 - ra. Boya ahli waris kengin muponin hasil manut dudonan luwire :
 - 1) Sentana luh salami dereng kesah mawiwaha utawi tan alpaka guru, miwah prade madrebe pianak tan kemawon ;
 - 2) Balu luh wiadin muani nyeburin (soang-soang boya sentana) ;
 - 3) Mulih deha utawi taruna, riantukan ring pawiwahane pecak sampun kabawos ninggal kadaton.
 - ka. Pawaris kengin maweweh rikala maurip pinaka jiwa dana, tadtadan/ bekel, makacihna paweweh tetep ring pianak sane kesah mawiwaha.

Pawos 83

- (1) Prade sajeronin pakulawargan wenten ahli waris langkungan ring adiri patut :
ha. Kawentenang patigum indik pedum waris inucap ;
na. Yan tan prasida katunasang tatimbang ring Prajuru (kerta desa);
ca. prade taler tan wenten cumpu ring panepas Kerta Desa, kengin katumusang ring sang Rumawos.
- (2) Prade karang inucap kaputusan, patut Prajuru/Dulu-dulu nibakang ring :
ha. sang sinanggeli ahli waris manut pawos 80 ;
na. sang kengin anggen sentana manut pawos 78 angka (2) miwah angka (3) ;
ca. prade taler tan wenten cumpu ring panepas Kerta Desa, kengin katumusang ring sang Rumawos.
- (3) Prade jantos karang Desa kaepah utawi kasepilih, patut soang-soang nedunin makrama Desa marep.

SAT SARGAH
WICARA LAN PAMIDANDA
PALET 1
INDIK WICARA

Pawos 84

- (1) Sane wenang mawosin makadi mutusang wicara ring Desa inggih punika Prajuru/Dulu Desa sinanggeh Santhi Kerta Sabha Desa.
- (2) Tata dudonan mawosin saha muputang wicara warga desa kadi ring sor :
ha. Kaping ajeng kabawosin olih Kelihan Banjar.
na. Tan cumpu ring panepas Kelihan Banjar, karerehang pamutus ring paruman banjar.
ca. Prade tan cumpu ring pamutus Banjar, katumusang ring Bendesa Adat lan Santhi Kerta Sabha Desa.
ra. Taler tan wenten cumpu ring pamutus Bendesa lan Santhi Kerta Sabha Desa katunasang ring Paruman Desa Adat
- (3) Prade sang mawicara tan wenten cumpu ring pamutus paruman desa lan Kerta Desa, kengin nunasang wicara inucap ring sang Rumawosutawi sang ngawawenang.

Pawos 85

- (1) Sahanan wicara mawiwit kacorahan saka luwre sinanggeh nungkasin daging Awig-awig, pararem miwah paswaran Desa/Banjar, Prajuru/Dulu patut digelis mawosin tan nyantos pasadok.
- (2) Sajaba wicara kadi ring ajeng patut nyantosang pasadok sang nunas bawos.
- (3) Panepase patut pastika nyantenang iwang patut malarapan Tri Pramana (saksi, ilikita, bukti) miwah tan marep nepik ring Catur Dresta.

PALET 2
INDIK PAMIDANDA

Pawos 86

- (1) Desa/Banjar wenang niwakang pamidanda ring warga Desa/Banjar sane sisip.
- (2) Paniwak inucap kalaksanayang olih Bendesa/Klian Banjar.
- (3) Bacakan pamidanda luwre :
ha. ayahan panukun kasisipan ;
na. danda arta ;
ca. kanorayang ;
ra. Panyangaskara.
- (4) Pamidanda sane katiwakang patut masor singgih manut ring kasisipane.
- (5) Jinah utawi raja brana pamidanda ngaranjing dados druwen Desa/Banjar.

Pawos 87

- (1) Krama sane langkungan ring awali tigang paruman ngalantur tan nawur urunan miwah dadandan wenang karampag manut pararem.
- (2) Rerampagan ngangge tata cara kadi ring sor :
ha. kalaksanayang olih Prajuru kasarengin olih Krama saakeha tigang diri maka saksi ;
na. Sang ngarampang sangkanin darsana ngambil barang utawi nyawenin tanem tuwuh, akehnya manut ring utang sang karampag, sang karampag mangda lila nyukserahang barangnya sane dados wala ;
ca. Prajuru/Dulu miteketang mangda barang-barang sane karampag digelis katebus, masenger awuku (7 rahina) ring kutus rahinane pacang kaadol ;
ra. Tan nganinin saluwir barang sane patut inggilang manut Agama miwah tan mademang pangupa jiwa sang karampag.

Pawos 88

- (1) Prade sang pacang karampag ngawara (ngalangin) palaksanan inucap mawastu sampun tan nganutin Awig-awig Desa wenang karang Desa sane kagenahin kadaut olih Desane.
- (2) Samaliha yen purun taler ngalangin palaksanan kadi ring ajeng tan wenten pamargi sawawaning kasepe kang olih Krama Desane.
- (3) Pamidanda inucap ring ajeng keni buntas risampun sang kakeninin:
ha. nunas geng pangampura ring Krama Desa riantukan nguak pasubaya (pararem) pecak
na. nawur pangangan panguak pasubayane duk pacang karampag kadulurin pamrayascitta panyapsap kaiwangane ring Desa.

SAPTAMA SARGAH NGUWAH – NGUWUHING AWIG – AWIG

Pawos 89

- (1) Nguwah-nguwuhin Awig-awig Desa puniki kalaksanayang ring paruman Sabha Desa tur molihang paswaran krama Desa.
- (2) Awig-awig puniki kamargiang ngawit kaingkipun (kararemin).

Pawos 90

- (1) Sakaluwirin sane wenten saderengnya patut kaanutang ring sadaging Awig-awig puniki.
- (2) Sakaluwiring sane durung kabawos sajeroning Awig-awig puniki patut kalaksanayang manut tata cara sane sampun mamargi kadulurin antuk pararem-pararem.

ASTAMA SARGAH SAMAPTA

Pawos 91

- (1) Awig-awig puniki kararemin olih krama Desa Adat Bona duk rahina Saniscara Wage Wuku Tambir Tanggal Masehi 23 Maret 1985 ring wantilan Desa Adat Bona. Kapurnayang duk rahina Soma Umanis Wuku Bala Panglong ping kalih sasih kaenem Isaka 1923 Tanggal masehi 31 Desember 2001.
- (2) Awig-awig puniki kalingga tanganin olih Bendesa lan Prajuru Adat, kasarengin Klian-Klian Banjar, saha kasaksinin olih Prajuru Dinas pinaka saksi.
- (3) Luwir sang ngalingga Tanganin :
Ira. Kaprathama Prajuru Adat :

1. Bendesa Pakraman Bona

ttd

(Drs. I GST. LANANG OKA)

3. Penyarikan Prajuru Desa

ttd

(I WAYAN BAGIADA)

5 Klian-Klian Banjar :

Klian Banjar Bona Kaja

ttd.

(I GUSTI KOMPIANG GUNA)

Klian Banjar Bona Kangin

ttd.

(I GUSTI MADE PUTRA)

2. Klian Sabha Desa

ttd

(I MADE RATA Spd.)

4. Penyarikan Sabha Desa

ttd.

(I KETUT MULIASA)

Klian Banjar Bona Kelod

ttd.

(I GUSTI KETUT ALIT)

Klian Banjar Pasedana

ttd.

(I NYOMAN SADERA)

na. Kaping kalih Prajuru Dinas pinaka saksi :

1. Kepala Dusun Bona Kaja

ttd.

(I WAYAN ARJANA)

2. Kepala Dusun Bona Kangin

ttd.

(I GUSTI MADE PUTRA)

3. Kepala Dusun Bona Kelod

ttd.

(I GUSTI KETUT ALIT)

4. Kepala Desa Bona

ttd.

(I GUSTI KETUT ARKAWIJA)

5. Camat Blahbatuh,

ttd.

(I DEWA GEDE RACHWI PUTRA)

Mengetahui dan telah dicatitkan
Pada tanggal : 2 Mei 2002
Nomor : 11 Tahun 2002

BUPATI GIANYAR

ttd.

(TJOKORDA GDE BUDI SURYAWAN, SH.)

KASOBYAHAN ANTUK :

Bendesa Pakraman Bona

(I Gst. Nyoman Yas)



Tetua Sabha Desa Pakraman Bona

(I Gst. Ngurah Agus Susana)

PAWILANGAN PATRANING NIYASA DESA ADAT BONA



**DESA BONA
KECAMATAN BLAHBATUH
KABUPATEN GIANYAR**

ARTOS NIYASA (PRALAMBANG)

1. Bucu Lima : Pancasila, Dasar Negara Republik Indonesia sane patut kamanggehang olih krama Desa Pakraman Bona.
2. Bintang : Pralambang Ida Sang Hyang Widhi Wasa Krama Desa Pakraman Bona patut stata eling lan bakti ring Ida, melarapan sradha.
3. Padma Angalayang lan Gambar Swastika : Perlambang suci sejati makacihna krama Desa Adat Bona sampun ngalaksanayang tata titining agama Hindu, malarapan antuk paras-paros, sagilik-saguluk, salunglung subayantaka.
4. Candi Bentar : Pralambang seni budaya sane katami saking riin.
5. Ukiran sasolahan lan perajin ring candi bantar : Maartos kawisayan krama Desa Adat Bona tiosan ring mamacul/kasawah taler maderbe kawisayan seni tari, tabuh, seni ukir, perajin lontar lan perajin tiing.
6. Undag Patpat : Sane maartos, krama Desa Bona kainutin antuk catur wangsa.
7. Tunjung Mekar : Maartos Desa Bona sampun kaloktah ring jagat dura Desa lan dura Negara.
8. Padi lan Kapas : Pinaka niyasa tatujon krama Desa Pakraman Bona mangda prasida landuh, gemah rimpah loh jinawe.
9. Tigang Iket Tali Ring Padi lan Kapas : Maartos Desa Pakraman Bona mawit sakeng 3 (tigang) krama Banjar inggih punika Banjar Bona Kaja, Bona Kelod, Bona Kangin.
10. Paembang Sajeroning Candi Bentar : Maartos krama Desa Adat Bona nyayut sapisira ugi, sane kadasarin antuk pekayun sane becik saantukan Desa Bona desa Pariwisata.
11. Dharma Widya Wiguna : Sasanti (motto) krama Desa Adat Bona, sane maartos patut lan jujur punika sane kaangge ring jagate mangdane ngamangguhang karahajengan, tata tentrem lan raharja, sane kadasarin antuk kaweruhan.

BENDESA ADAT BONA

NO.	NAMA	ALAMAT	TAHUN
1	2	3	4
1.	I Nyoman Jarna	Banjar Bona Kaja	-
2.	I Nyoman Dugdug	Banjar Bona Kaja	-
3.	I Gusti Nyoman Kondel	Banjar Bona Kaja	± 1915
4.	I Gusti Lanang Putu Sergug	Puri Kawan, Banjar Bona Kaja	-
5.	I Gusti Lanang Oka	Puri Kaleran, Banjar Bona Kelod	-
6.	I Gusti Kompiyang Raos	Banjar Bona Kangin	-
7.	I Gusti Made Raka Astawa	Banjar Bona Kangin	1966
8.	I Ketut Suweca (Mangku)	Banjar Bona Kaja (Pasedana)	1971
9.	I Gusti Kompiyang Raos	Banjar Bona Kangin	1971
10.	I Gusti Made Juni	Banjar Bona Kangin	1976
11.	Ida Bagus Nyoman Raka	Banjar Bona Kelod	1986
12.	Drs. I Gusti Lanang Rai	Puri Kaleran, Banjar Bona Kelod	1992
13.	Drs. I Gusti Lanang Oka	Puri Kelodan, Banjar Bona Kelod	1998
14.	I Gst. Nyoman Yasa	Banjar Bona Kangin	2003